



## Publicaziuns dalla vischnaunca, jamna 49

### Damondas da baghegiar

#### 2017-1070.000

**Datum dalla publicaziun: 8 da december 2017**

Il patrun: Recal AG, Via Alpsu 49, 7180 Disentis/Mustér

Il representant: Aluis Huonder architect fh sia sa, biro d'architectura Via da Scola 18, 7180 Disentis/Mustér

Object: Construcziun d'in niev accumulatur da calira ed indrez fotovoltaic sin tetg dalla casa sin parcella nr. 3626, 7180 Disentis/Mustér

#### 2017-1071.000

**Datum dalla publicaziun: 8 da december 2017**

Il patrun: Pencilaras Mustér SA, Via Acletta 2, 7180 Disentis/Mustér

Il representant: Ernst Dubler, Geroldstrasse 31, 8005 Zürich

Object: Niev suttetg d'autos ad Acletta sin parcella 3906, 7180 Disentis/Mustér

#### 2017-1069.000

**Datum dalla publicaziun: 8 da december 2017**

Il patrun: Pencilaras Mustér SA, Via Acletta 2, 7180 Disentis/Mustér

Il representant: Ernst Dubler, Geroldstrasse 31, 8005 Turitg

Object: Construir in baghetg schumellin sco casa da persunal (mira Art. 7. al. 1, lit. a ZWG) per las pencilaras Mustér SA ad Acletta sin parcella 3904, 7180 Disentis/Mustér

#### 2017-1068.000

**Datum dalla publicaziun: 8 da december 2017**

Il patrun: Pencilaras Mustér SA, Via Acletta 2, 7180 Disentis/Mustér

Il representant: Ernst Dubler, Geroldstrasse 31, 8005 Turitg

Object: Construcziun d'ina casa da habitar (mira Art. 7. al. 1, ZWG) ad Acletta sin parcella 3904, 7180 Disentis/Mustér

Il plans da construcziun ein deponi tier l'administraziun communal. L'envesta publica cuoza 20 dis dapi il datum dalla publicaziun.

Eventualas protestas encunter sura damondas da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

*Uffeci da baghegiar Disentis/Mustér*

---

### Scaldaments mobils el liber

#### **Bulius da scaldar, radiaturs, radiaturs d'infratgietschen etc.**

Sebasond sin art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il departament da construcziun, traffic e selvicultura dil Grischun relaschau suandonta disposiziun:

1. Per mintga apparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW, sto vegnir cumpensau ina tonna CO<sub>2</sub>. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO<sub>2</sub> e per apparats cun ina prestaziun da scaldar maximala da sur 28 kW sto vegnir cumpensau treis tonnas CO<sub>2</sub> e.a.v. Silmeins 20% dall'immissiun CO<sub>2</sub> sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.



2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.

3. La cumpensaziun dall'immissiun da CO<sub>2</sub> succeda entras il possessur ni entras la vischnaunca.

4. Sch'ils possessurs cumpenseschan sezs l'immissiun da CO<sub>2</sub>, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO<sub>2</sub> (p.ex. myclimate). Per apparats da scaldar electrici sa l'obligaziun da cumpensar l'immissiun da CO<sub>2</sub> era vegnir ademplida, sch'ei vegn applicau – per mintga tonna CO<sub>2</sub> che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.

5. Sch'ils possessurs cumpenseschan buca sezs l'immissiun da CO<sub>2</sub>, ston els cumprar tier la vischnaunca ina vignetta per mintga tonna CO<sub>2</sub> che sto vegnir cumpensada. Il prezi per vignetta importa frs. 60.–.

6. Las vischnauncas impundan igl entir recav dalla vendita da vignettas per cumpensar l'immissiun da CO<sub>2</sub>. Igl uffeci d'energia e traffic metta a disposiziun in agid d'execuziun per las vischnauncas.

7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG). Las vignettas san vegnir retratgas tier l'administraziun communal.

*Administraziun communal*

---

### Clom da quens

Il quen communal vegn serraus giu cun ils 31 da december 2017. Per saver risguardar las expensas occurrindas uonn el quen 2017 ei tut tgi che ha aunc da dar quen alla vischnaunca pigl onn current supplicaus da far quei entochen il pli tard **ils 20 december 2017**. Nus supplichein tuttas firmas sco era tut ils officials dalla vischnaunca d'observar quei termin.

*Administraziun communal*

---

### Sontgaclau da Segnas/Acletta

Sontgaclau viseta ils 9 da december 2017 las famiglias da Segnas/Acletta.

Ils organisateurs ein engrazievels sche Vus tarmetteis gia ordavon enqual cavazzin sur dils presents, en special sur dils affons entochen ils 5 da december 2017 a Rafael Maissen, Via Acletta 22, 7180 Disentis/Mustér, mail: [rafaelmaissen@bluewin.ch](mailto:rafaelmaissen@bluewin.ch)

Igl oremus vegn prelegius sonda sera da Sontgaclau, ils 9 da december 2017 allas 2100 avon baselgia ad Acletta ed allas 23.00 ell'ustria «Cresta» a Segnas. Nus selegrein dad era beneventar convischinas e convischins da Segnas e contuorn tier nus ad Acletta.

Cordial engraziament

*Uniun da giuventetgna Segnas/Acletta*

---

### Pigniel da Nadal 2017

Il menaschi tecnic dalla vischnaunca da Mustér organisescha uonn la vendita da pigneuls da Nadal. Ei vegn vendiu pignola mo sin empustaziun. Il pigniel sa vegnir retratgs ils 21 da december 2017 naven dallas 9.00–14.00 avon il luvratori dil menaschi tecnic a Cuoz. Sin giavisch e per in prezi surpli da 5 francs vegn il pigniel era furnius avon casa.

Il pigniel sa vegnir empustaus cun indicaziun d'il num ed adreassa **entochen ils 14 da december 2017**.

Adressa: Uffeci forestal, Caum postal 57, 7180 Disentis/Mustér  
telefon: 081 920 36 36, Mail: [uaul@disentis.ch](mailto:uaul@disentis.ch)



Pégn (Rottanne)  
1,10–1,50 m Fr. 26.–  
1,60–2,00 m Fr. 29.–  
2,10–2,50 m Fr. 33.–

Viez (Weisstanne)  
1,20–1,70 m Fr. 38.–  
1,80–2,50 m Fr. 43.–

Pégn da Nordmann  
1,10–1,50 m Fr. 41.–  
1,60–2,00 m Fr. 56.–  
2,10–2,50 m Fr. 78.–

### **Pinar sez il pigniel da Nadal!**

Igl uffeci forestal dat era uonn la pusseivladad a mintga habitont ni hosp da Mustér dad ir egl uaul a pinar gratuitamein il pigniel da Nadal giavischau. Nus vegnin ad ir el territori da Stagias–Uaul da Vischins per pigniel. Il selvicultur communal accumpogna ils interessai e dat in ni l'auter cussegl.

Nus s'entupein cun resti cauld, buns calzers ed in resgiut: **Sonda, ils 16 da december 2017**, allas 9.00 **II liug da sentupada vegn publicaus quater dis avon sut [www.disentis.ch/uaul](http://www.disentis.ch/uaul)**

Tagliar pignola en uauls da schurmetg, plontaziuns sco era ord seivs da schurmetg ei scumandau! Per sclariment stat il selvicultur Simon Cathomen bugen a disposiziun.

*Uffeci forestal Disentis/Mustér*

---

### **Cussegl da vischnaunca**

Il cussegl da vischnaunca seraduna **venderdis, ils 15 da december 2017**, allas 19.15 en casa communal.

*Tractandas*

1. Protocol 8-2017/2020
2. Baghetg pil santeri e stabiliment per la rimnada da rufids: Damonda da credit (messadi nr. 13-2017/2020)
3. Agenda 2018
4. Ura da damondas (conform ad art. 44 dil regulativ da fatschentas)
5. Elecziuns:
  - 5.1 dil president ni dalla presidenta dil cussegl da vischnaunca per 2018
  - 5.2 dil vicepresidente ni dalla vicepresidente dil cussegl da vischnaunca per 2018
  - 5.3 dil actuar dil cussegl da vischnaunca per 2018–2020

*Il president dil cussegl da vischnaunca*

---

### **Oz en biblioteca!**

#### **Kino da cudischs da maletgs cun Mats, la miur**

Has ti plascher da vegnir en biblioteca e tedlar marvegliusas historias ord cudischs da maletgs?

**Mintga secund venderdis dil meins** allas 14.30 legin nus avon e mussein vid ina gronda preit ils maletgs ord in cudisch da maletgs.

L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Nus selegrein zun fetg sin tei!

*Mats, la miur*

*ed il team dalla Biblioteca populara*

*Disentis/Mustér e contuorn*



### Café da sentupada – Begegnungscafé Advents-Hock

Um einander besser kennenzulernen und den Asylsuchenden die Möglichkeit zu bieten, deutsch zu sprechen, werden immer wieder Begegnungen mit den Asylsuchenden aus dem Transitzentrum Bellavista in Disentis organisiert. Alle sind herzlich eingeladen am **Montag, 11. Dezember 2017**, von 17–19 Uhr im Gemeindezentrum Aua Viva auch dabei zu sein.

---

### Kunstkenner Walter Müller im Disentiser Klosterforum

Am **Mittwoch, 13. Dezember 2017**, um 20.30 Uhr spricht im Peter-Kaiser-Saal Walter Müller über das Thema «Wandermaler und Künstler Hans Ardüser – Spurensuche in Graubünden nach 400 Jahren». Hans Ardüser hat im Lugnez und in der Surselva vor 400 Jahren einige Kirchen ausgemalt.  
Herzliche Einladung

*Kloster Disentis, P. Urban Affentranger*

---

### Sontgaclau 2017

**Sonda, ils 9 da december 2017** viseta il Sontgaclau Vitg las famiglias dalla fracziun Vitg.

- 13.30 viseta ellas ustrias dil vitg
- 15.30 messa da Sontgaclau, baselgia parochiala s.Gions
- 16.30 sentupada cun Sontgaclau avon l'ustria «La Furca»

Silsuenter viseta dil Sontgaclau da vitg ellas casadas. Il Sontgaclau viseta era uonn bugen vus a casa. Vossa annunzia per mail [sontgaclauvitg@hotmail.com](mailto:sontgaclauvitg@hotmail.com) ni per posta Sontgaclau Vitg 2017, Posta, 7180 Mustér fagess a nus grond plascher. Cordials salids

*Uniun da giuventetgna Mustér, fracziun Vitg*

---

### Sontgaclau viseta ils seniors

**Dumengia, ils 10 da december 2017** dallas 13.30 entochen allas 16.00 en halla Cons.

Cun grond plascher envidein nus convischinas e convischins da 60 onns ensi alla tradiziunala sentupada cun Sontgaclau. Cun in pign program, la viseta dil Sontgaclau ed in puschegn lein nus porscher a Vus in pèr emperneivlas uras en buna cumpignia.

Nus selegrein da passentar ensemen cun Vus in bi suentermiezdi.

*Uniun da dunnas Disentis/Mustér*

---

### Societad da musica Mustér

#### Concert da Nadal

Sonda, 23-12-2017 allas 20.00 en baselgia Sogn Gions, Mustér. Silsuenter stiva da caffee.

Entrada libra, collecta.

---

### Cinema Salaplauna – Stallkino

#### «Bauer unser» (A 2016)

**Donnerstag, 14. Dezember**, Filmstart 20 Uhr, Center sursilvan d'agricultura, Disentis/Mustér

Film: «Bauer unser». Die Bäuerinnen und Bauern produzieren die Lebensmittel. Der Handel vertreibt die Lebensmittel. Wir alle kaufen Lebensmittel. Man möchte meinen, alle in diesem Kreislauf profitieren von diesem Verhältnis untereinander. Die Realität in der Landwirtschaft, in der Agrarpolitik und im Handel stellt sich



aber gänzlich anders dar. Ein Dokumentarfilm, der verschiedene Bauern, Produzenten und Menschen aus dem Agrarhandel erzählen lässt und damit die Debatte über unsere Landwirtschaft neu lanciert. Türöffnung 19.30 Uhr, Filmstart 20 Uhr. Eintritt frei, Kollekte.

---

### Uniun samaritana Mustér

Per nossa sera d'advent s'entupein nus ils **11 da december** allas 19.30 el Café «Resgia». Ei vegn offeriu a tuts participonts l'usitada tscheina e nus lein guder in per bialas uras en buna cumpignia. Selegron sin stedia participaziun

*vossa menadra tecnic*

---

### UGG – Uniun da giuventetgna Gonda/Dulezi/S. Gions

Era uonn envida Sontgaclau pigns e gronds ad in sitg cauld suenter messa (plaz avon garascha dalla famiglia Huonder-Flury). Sontgaclau e sia suita engrazian per la collaboraziun e selegron sin bialas sentupadas.

---

### Controllas apparats d'udida

**Gliendisdis, ils 18 da december 2017** saveis Vus schar schubergiar e rugalar Vies apparat d'udida:

9.00–10.30 en Casa sogn Martin a Trun

11.00–11.40 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei sur-  
vetsch gratuit per tuts interessents. Ei drova negina annunzia.

---

### Kerzenziehen in Mompé-Medel

**im Stall von Armin Manetsch und Priska Müller**

**Samstag, 16.12.2017**, von 16 bis 22 Uhr

**Sonntag, 17.12.2017**, von 11 bis 17 Uhr

Die Kaffeestube ist während dieser Zeit ebenfalls geöffnet.

Wir freuen uns auf euren Besuch.

---